

叻報

印工緻絕倫並延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人以及後始錄其有謾罵成文以及支離費解者概不登錄嗣後諸君來札尙祈自諒更須寫真寓里而後敢登但來稿登與不登均不能將原稿收回也 本館謹白

園地招批 ○啟者茲有園坵一所大計百餘希葛坐落武吉智馬路傍距坡有二英里之遙園內種有椰樹及榴連望吃諸菓并有地畝可種菜蔬及小屋多間可收稅項其地用以種說甚屬合宜又地段一區坐落柑仔園內大有六十餘希葛地內種有菓木甚繁并有餘地可資種菜又地一區坐落淡申路大水池直上菜市之流水坑地方大有六十餘希葛此地已畧栽菓木復經人於此種說及菜蔬等物茲該業主欲將各地招人承批或以一年為期或以二三年為期均從其便 諸君有欲承批此地者祈至本館面商一切可也 大清光緒二十五年六月十三日 本館代啟

招僱花傭 ○啟者茲有人託覓花傭一名其人須熟悉種植花木等事方能合用又欲僱用園丁一名以上兩人均須不吸洋烟者方合如有欲承斯乏者請至本館面商可也此佈 本館謹白

添請採訪人告白 ○啟者本館近擬添請採訪人一名其人須熟悉本坡各事宜及通方言并須畧諳華文方能合用 諸君願承斯乏請至本館面商可也 本館謹啟

本館告白 ○啟者本報向於每日早晨分送本坡 各賢號有賜閱本報者如有漏送之處懇即前來通知或惠函 示知俾得補呈是幸 本館謹啟

不知俾得補呈是幸


本館謹啟

中華近況恰如局殘棋劫着紛乘挽回之術西响則東應此伏則彼興頓令上則宵旰憂勤下則蹙眉相告莫不皇皇然栗栗然而懼禍敢瓜分使我四萬萬圓顛方趾含齒戴髮之儔將作非洲黑奴之續也以若所憂如彼所度則我四千載文物聲明之國竟終見屈於列強事勢至此豈不大可危哉大可痛哉或曰不然憂則盛而危則明殷憂所以啟聖也否不極泰不來發憤所以自雄也子不觀夫普國乎法王拿破崙第在位時普即大遭蹂躪供億煩重國帑爲空同治五年普戰勝奧時適班國無主欲請日耳曼某爵爲王法王拿破崙第三忌之勒令退休否即限日戎衣相見并要約於普自是以後日耳曼各邦之主示不得王班普王不允簽名遂有一千八百七十年普法之役在法凌普已久在普恨法已深宗法勢久張故敢干預普之內政今茲之舉謂我之戰普正如泰山壓卵馬到功成詎知一戰而法君擒再戰而法京破合之開仗以至行成之日爲時不過數月而勝負以分普乃反弱爲強一伸數十載抑屈不平之氣是則強弱盛衰之故詎能預決於未萌哉又不觀夫土耳其乎土之幾爲俄滅者屢矣嘗攷一千八百五十三年俄人遽起大軍欲滅土法與英謂俄若得志於土非我之利乃仗義執言先之以文告繼之以師旅俄人乃退一千八百七十六年又以土人虐待教民之故俄忽伐土英法亦惡之乃如鉅鹿之戰諸侯皆作壁上觀土以孤立無助屢戰皆北俄又欲滅之歐洲諸雄紛然並起約期大會於德之百靈都城議割土數省之地以與俄而仍存其國且陰佐之藉以扼俄西顧以迄于今土宇雖狹而彈丸黑子仍足自存雖曰英法保護之力要亦時局使然也夫普之得以不爲法滅者勢而已土之不爲俄滅者形而已在普屢爲法侮積忿已深苟不合日耳曼爲一心與法決勝於疆場之地吾恐法既出其全力以兵事相凌普若終有敗北之虞爲禍奚堪設想也普之不得不與法戰以求必勝者迫於勢也土雖厲爲國民開教罪強鄰惟俄若滅土國則師船直出黑海長驅之勢遂成斯時馬首忽西豈屬歐人之益是故英法德國出而扶土以抑強俄蓋固土即以自固耳是英法等國不得不與俄爭以爲土庖者迫於形也吾華亦然夫我中國之受外人欺侮者屢矣攷我朝自道光時外侮犯天津即開五口而補二千萬其後二十九年及咸豐六年八年皆始戰終和藉京師爲要挾諸口益開屢償巨款暨夫庚申之變文宗顯皇帝至爲熱河之狩焚燒御園震驚宗廟至今萬壽山營繕雖新餘燼尚在也泊乎和議告成宮車晏駕外侮之迫天下驢然及今甲午之役竟以堂堂大國屈諸區區小邦則更門戶洞開情見勢絀以至旅大之租威海之稅廣洲灣之讓膠州澳之據強敵紛乘視中國如鼎上之珍各思染指推原禍始一由於自與各國立約咸有利益均沾之語以致互相要索狼狽爲奸一語之差雖聚九月之鐵不能鑄此大錯也次由我國家未諳外情徒惜民命向遇外患不敢力持與戰始憤終柔一遇炯喝虛聲亦必唯命是聽實則遠西諸國道里迢遙勞師遠征耗餉必甚西人惟利是


密酒出賣

烏蜜酒發賣

名鐵廚發售



嘗思養生之道所最要者則惟飲薄其大則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購買此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固並用有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者祈即玉售
大英一千八百九十八年正月一號
大清光緒二十三年十二月十八日



三品出品

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告
大英一千八百九十八年正月一號
明嗎也洋行謹啟



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈
大英一千八百九十八年正月一號
光緒廿三年十二月十八日
明嗎也洋行謹啟

法國頂上蜂窠標萬蘭池酒發客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸
大英一千八百九十八年正月一號
光緒廿三年十二月十八日
明嗎也洋行謹啟

新到美國椅發售

啟者本館新到花旗椅五十羅申價甚相宜計分數等每羅申價由十三元至二十五元 諸君有欲採辦者祈到本館觀看可也
大英一千八百九十八年正月一號
巴越館主啟

啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日
明嗎也洋行謹啟



昌小功服兄張明德赴往查看向張轉昌之妹張棒妮詢問做麵吃食情形投地報縣張棒妮因見張樊氏形神恍惚在其身邊搜獲鴉片信
呈經該縣驗訊稟經批飭提省審辦據各供晰前情不諱查例載謀殺子而誤殺有服尊長仍依故殺尊長各本律擬以律載妻毆夫之母殺
者凌遲處死又妻因姦同謀殺死親夫者凌遲處死又例載審辦逾倫重案於審明後即恭請 王命若距省在三百里以外即在省垣正法各
等語此案張樊氏因與張六小通姦聽從姦夫用信謀毒本夫張轉昌並誤毒夫母張杜氏先後身死實屬罪大惡極該犯婦謀殺本夫罪應凌
遲因謀殺夫並誤殺夫之母應照毆殺夫之母治罪亦應凌遲夫之母名分較夫為尊自應按律開擬張樊氏合依妻毆夫之母殺者凌遲處死
律擬凌遲處死該犯婦兩犯凌遲應於處決時加剖刀數查該縣距省在三百里以外已於審明後恭請 王命在省垣正法係婦女免其梟示
逸犯張六小飭緝獲日另結除備錄供招咨部外所有審明辦理緣由理合恭摺具 奏伏乞 皇太后 皇上聖鑒敕部查照謹 奏奉 硃
批刑部知道欽此

金雞

鐵樹

補功

藥酒

請認此標為記



啟者此藥酒由德國 皇家大醫生專心博考知有金雞鐵樹產自德國壽如松柏之年採其萌蘗配提神益氣靈芝釀造而成
昔年曾經呈送美國英國法國奧國俄國及天下諸大邦統計由各國皇家大醫士三百餘名考驗獎賜手書共三百餘緘純係
稱贊此酒之功端治男女氣弱血虧精神困倦筋骨痠痛不思飲食胃口呆滯頭眩眼花心驚
恍惚夜不成寐腎虧失調小便淋瀝如飯湯等症長寒發冷瘧症以及婦科月經失調或臨經
腹痛病人愈後欠補有疾無疾皆可酌量而飲大能益精補髓更能治陽痿難舉之疾婦人飲
之能令溫和子宮養顏肥體永無疾病相侵本局開創經三十餘載歷來不惜資本盡心製煉
藥水藥油藥酒丹膏丸散屢試屢驗而德君醫生保赤存心無論內外新奇難症請臨診視藥
到春回貧者不過索回藥費概免謝儀倘蒙惠顧祈到本藥房選沽自當格外從廉此佈
大清光緒貳拾伍年七月初四日 新嘉坡土庫街德國神農大藥房謹啟

承頂聲明 ○啟者新嘉坡吊橋頭第廿九號門牌鼎盛米郊生理向係林孫路陳榮丁石光隨三人同創嗣又由本號公司撥本在
成和號米郊入股嗣因石光隨身故其股即經退出旋將其股份銀項存在本號生息歷年無異迨至戊戌年九月復由林孫路名下股份撥出
四股與林樹權承受茲因林孫路林樹權志圖別業願將其自己名下在鼎盛之股份及在成和號附股之類概行抽出頂與陳榮丁承受經
同請到公親陳文良高成繼楊本質林永養諸君公同核算明白而林孫路林樹權應得之退股銀項經已當眾收清日後鼎盛號及成和號
生理盈虧概與退股人林孫路林樹權無涉至石光隨遺交鼎盛生息之項亦經收回眾議改放萬源興號內生息以待其妻子到領合併聲
明 光緒廿五年七月初三日 承頂人陳榮丁謹啟

醫道昌明 ○啟者余久患內傷痰火之症已閱年餘中外名醫延請甚眾迄無所效嗣聞源順街源成興號內 昌金鑑先生素精醫
學因延診治刀圭甫奏即獲神效治之匝月竟慶霍然神乎先生之技洵可謂三折其肱矣余受醫先生之德無以為報爰述數言附登報牘亦
聊以誌感荷弗諼之意云爾 光緒廿五年七月初二日 小坡豐隆號游錦理謹啟

輪船往暹羅等各埠 ○啟者茲本行有輪船名峇霞華施勝武定於西本月七號即華七月初二日到叻上落客貨畢即欲展輪前往
網略井順往 丁加勞 吉蘭丹 大呷 宋卡 六坤 萬倫 耶宜 鐵本 及萬打班等處本船客艙客位均甚爽潔船中概用電燈
諸君有欲附貨搭客者請至本行面商便得特此佈告 光緒廿五年六月式拾八日 東亞洲有限公司駐叻代理人明嗎也洋行謹啟

聲明告白 ○啟者小坡梧槽律第一百四十六號門牌益和號字皮店原係陳華長陳文成陳國良三人合股開創計陳華長得股本
三千元陳文成得股本三千元陳國良得股本五百元開張之後陳華長因事回唐即將益和號生理全盤以及各項地券概交陳文成一
管理所有出入書押亦歸陳文成掌握不料人心叵測自陳華長回唐之後陳文成猝起不良之心隨將益和號生理收歇并即變賣各款家業似
此居心難以相防茲余陳國良不忍坐視家兄華長勤苦之業一日遭其毀變爰特頒佈告白以便市井周知倘此後陳文成有將益和公司物
業以及生理股份頂受於人一概不得私相授受倘有人與之承受者家兄陳華長轉叻一定控官請究後悔無及矣特此聲明免滋後論
大清光緒廿五年六月二十九日 陳國良謹啟

收盤告白 ○啟者咄實得力門牌貳號鄭甘芳茶店生理係廈門鄭雲峰分枝來叻今不幸鄭雲峰逝世伊妻在廈遣人來叻將生理
收盤回唐諸 寶號有與甘芳來往賬項者請於烏兀三號起至拾號止務當到舖會算如越拾號則本號收回唐山矣特預聲明以免後論此
佈 大英一千八百九十九年烏兀三號 鄭甘芳謹啟

司各脫滋補鰵魚肝油



此油潤肺除痰補益氣血又能殺除肺之蟲改換穢毒之血消解胃經之積滯舉凡身體瘦弱胃不消化肺經受病憂鬱傷房事色傷破金吐血齒齦頑瘡小兒肌肉不長筋骨軟弱等症皆能治之不論男女婦老少無病常服亦能壯旺精神充盈膚革此乃清補而不燥滋潤而不膩之聖藥也每日服三次每次服三錢至四錢小兒減半服食 英京司各脫乳白鰵魚肝油公司謹識

此係司各脫馳名正乳白鰵魚肝油之標頭及其圖式其圖乃係一人背負大鰵魚一尾有此標誌乃為真貨 諸君賜顧請認明標誌庶不致誤特此佈聞

人背負大鰵魚一尾有此標誌乃為真貨 諸君賜顧請認明標誌庶不致誤特此佈聞

星嘉坡莫梁公司代理發售

此係司各脫馳名正乳白鰵魚肝油之標頭及其圖式其圖乃係一人背負大鰵魚一尾有此標誌乃為真貨 諸君賜顧請認明標誌庶不致誤特此佈聞

大英一千八百九十九年二月二十一號
大清光緒廿五年正月十二日
代理發售處新嘉坡絲絲街得力門牌第一號慕娘公司 啟

納憐省不里奧德性命保險公司代理告白

啟者茲本協發公司股東鍾存欽現承納憐省不里奧德性命及火燭保險公司之命在於本坡代理該公司之年壽保險以及火燭保險等事該公司係於一千八百廿四年創設計集本資一百五十萬磅早已天下馳名 諸仕商有欲保其年壽以及火險者移駕臨本公司面商至於保費一切均與各家相同并無苛索特此佈聞

大英一千八百九十九年七月十號
協發公司鍾存欽謹啟

瑞典國雪車藍標 頂上庄原牛乳發客




啟者本庄所製牛乳悉選取上等原乳製成并不攪雜糖料且復不生蛆蚋此等牛乳係欲備小孩及病人服食蓋其功能健脾潤肺保精養顏所益甚多故其銷場日盛一日即此已可見其乳質之美蓋此等牛乳雖云製熟入乳而用之者性味與新乳無殊

諸君有欲取討貨辦及英京化學攷究師忌利非所致之批評各報稱揚之說者向本行取討便得至可於附近各埠有總代理售賣此庄牛乳者可向本行相商其在本坡零購者可向新嘉坡藥房 利濟藥房 英國大藥房 冥那藥房及 基俄雜貨店內採購便安特此佈聞

西一千八百九十九年六月七號
獨理代售人墊邦路頭第八號門牌浮禮直力下士富洋行謹啟

鐵廚出賣



啟者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻重且異常堅固無論火燒盜劫均可無虞

貨美價廉莫此為甚倘各君有欲購此廚以收藏重寶者可至本行選閱此佈是幸

英一千八百九十八年正月十三號
至殺呼答公司即前加珍麥洋行啟

豐源

本號輪船往來各埠船期開列如左 在各埠往實印日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

在實叻往麻六甲每逢禮拜一五日下午四點鐘開行

由芙蓉往吉隆坡每逢禮拜二六日下午六點鐘開行

由吉隆坡回芙蓉每逢禮拜二四日下午四點鐘開行

由麻六甲回實叻每逢禮拜二五日下午四點鐘開行

丁巳年九月廿五日

諸即使爭城以戰亦必預核其需本若干得利若干然後出于一戰以冀有利可圖無故與戎本非素志加以彼西人者以商立國一有戰事無不立派艦艦力保商民荷其師出無名與久于用兵局外即起而干涉諸多掣肘匪易為功矧乃彼之桟我不過巡以數艘師船遠臨海口或作遊弋或作長屯聲東擊西徒以虛情哄嚇守土者荷能堅壁清野以持之厲兵秣馬以待之嚴詰奸宄以防之敗則城亡亡其宜矣勝則以彼遠方之人深入重地水土不宜餉運不繼一有敗竄自應片甲難歸士氣一揚國威斯振誰敢誰是待再計決哉今者瓜分之圖說偏囊中已孰知我中國之形勢較昔與土尤覺過之何則英之商務居中國者十之八九所謂牽一髮而全身皆動是英斷不欲與我爭持者一也俄則鐵路與我境界相連將來貨幣往來自必互通有無以求利益蓋因俄國雖強而不甚富目前之急以利為先是俄久斷不欲與我爭持者二也俄此兩雄為之牽制德法美日諸國亦孰不欲各求口岸以利益國人凡此情形均非為有乘國釣者苟能外和強大內修政令忍恥圖強則我中國之興尚可拭目以俟也洞明時局者當不漠視吾言

官場信息

○西廬近日風傳該處副總督定於本年終離任後遺缺諒以叻卑輔政司瑞公升補云

神輪池禁

○吉隆實蘭莪以及歸英保護各穆拉油地前因嶼地有疫以故自嶼來輪如例禁港今因嶼疫已除經將此禁弛去

美京傳說

○美國來信云現在華盛頓風傳蘇祿蘇丹業由美廷喜允仍照西班牙讓日之例給以歲俸云

美京大火

○網略來信云西去月廿九號附近王宮之處有大火為災還紀有產業甚多亦已付於一炬所值之項約值還銀十萬斤之多并有王宮二所亦幾不免云云然則此災之鉅亦可知矣

孟買苦旱

○孟買來信云該處天久亢晴并無雨澤據故老談及咸謂此等乾旱為六十年來所未經見蓋自一千八百三十七年大旱而後今始見之然則該處田禾亦有可憂之處也

越南多雨

○頃接西貢最近信息云越南東京一帶自去月二十五日至今連綿晝夜不輟誠恐田禾被潦云云夫孟買則苦旱越南則苦雨何天氣之不齊若是耶

富人遊藏

○倫敦來信云西藏一地屢經西人前往遊歷然皆不能滿其志願現聞美國有百萬富翁穆華打有志遊藏經於前月啓程前往印度并向俄廷請准欲偕俄國查探地方之人一隊同行入藏據穆自言此次遠行入藏必能遂志會當面謁達賴喇嘛與談一切云其言如斯但不悉能如願以償否

擬陳烟害

○倫敦來信云英國禁烟會同人本擬於本屆議院開門會議之時在於院內詳論鴉片弊端不意無機可乘而此事遂經中輟應俟下屆開議之際若得其間然後議及云云按前者本坡烟公司改賣烟膏每四分爲一包之際本坡商務公所恭事局及實得力會諸同人紛紛函致英京以言其事今據倫敦來信述及禁烟會欲議烟弊想即因此而致所可異者當此事舉行之際曾有某局紳在於本坡議政局內詳陳其害及後不知何故竟忽寂然又當日局中會議時經有言及欲將鴉片之律爲之議改不意徒有是言今尚未聞議及然則此律之改究不知待至何時而後民之吸烟者其苦累有難言喻矣

關心民瘼

○昨早工部局請票具控叻中店戶不潔等案約二百起中有一起乃係某人以五員賄諸查屋公差該差受其控其於案溯自去年以來該局每禮拜所控之案每在二百起以外實爲前數年所未有諒因近日該局總辦然直君辦事精明以故局中公差查察認真之故惟念此中案件深願然直君務必詳爲細察以免居民受無窮冤抑倘各居民果有被屈者亦可直向局中華紳陳君清端及蔡君仰泰前綴訴以冀伸雪想二君素負胆力必能親在局中辨論一切此則準中各第民所馨香以祝者也

西貢新例

○西貢英領事來函稱該處再擬條款限制麵粉進口凡諸船隻載有麵粉者一概不得入口云

巾幗播眉

○新金山來信云該處有西女芭尼二十二歲年方少艾身等環肥重約四百四十七磅其力足敵五男壯尼備某家各傭遇有爭鬥主婦必藉其威以制之而無不畏服洵足稱女丈夫也

奏請停鑄

○北京來信云聞有某侍御等二人交章奏請停辦北京機器製造銀圓銅錢局聞已入告又聞有某部郎呈請代奏停鑄銀圓銅錢堂許許可

會匪成擒

○漢口友人云近日漢陽鎮周鎮軍訪聞黃石港附近一帶時有會匪遁跡其間因督率勇丁前往拘獲舒鄧二犯解送臬署請示聞二匪係著名頭目飛簷走壁技藝過羣今既獲想當明正典刑矣

招工就役

○日本報云有人擬招募日本工役一萬五千名於今秋赴漢拿路路執役現已募得五千七百零八名由各處招工公司與之訂立合同聞日本招工公司承募二千八百名東京招工公司承募七千四百名神戶招工公司承募一千四百名其餘則由各商分任其事第一次所募者已於本月初三日由神戶橫濱分赴輪船前往矣

三譯匪擾

○雲南蒙自土匪滋擾一節已兩紀本報昨上海文滙報又載日本電云法政府已請華廷派兵保護中政府即飭滇督就近派勇前往彈壓一面請法人收回請兵之函蓋以此事係中政府分內之事也

擱與反案 ○京師來信云旗人全某家世陵夷其先塋在永定門外向由一金姓人爲之看守邇者金欺全貧弱遂與其弟某氏私氏擁厚資而不卹其姪久之事播醜聲四聞全因捏控金盜賣先塋樹木思有以制之官不直全遂出入氏門益無忌憚全計窮力盡乃時向金借貸金不勝其擾告於氏氏惡姪之要挾也乃令金控全索詐且代爲之暗中布置案久不決詳城送部簽分刑部江蘇司推鞠司官左袒金坐全訛詐罪論充軍業於端陽節前解赴配所矣節後全之岳母某嫗忽攔刑部尙書趙大司寇與遞呈代訴瑣究并有承審司員受賄不公等語司寇立交秋審處派員詳訊嫗供如前及訊受賄証據嫗供出某人關說某某使某書吏轉達江蘇司某某老爺共賄千金由前門大街義仁錢店兌付供詞甚爲詳確司員遂傳南城司坊官戴吏目到堂令帶差至義仁錢店索取兌銀帳簿并帶同錢店商人到案比將帳簿呈堂查閱與嫗所供兌銀數目取銀姓名若合符節承審官稟明大堂案遂平反刻將江蘇司印稿二員解任歸案實訊關說諸人均於招認後收禁固錢店商人待質一面轉飭地方官派差追緝全回二面環質以成信讞

東人忠告 ○淮城東文教習井原鶴太即率生徒來遊清江浦次日返淮在淮時曾語某君云中國亟宜講求實學以期強盛此時敝國待中國以友邦之誼同是黃種人會須戮力同心共禦外侮敝國上自皇上下至庶民皆體此心不知貴國亦同此志否聞某君答之其詞亦甚得體云

輕於遷怒 ○船政學堂教習高某前在該堂肄業五年深通西國言語文字曾經出洋游歷迨回華後即補充前學堂教習前年增軍帥以高通西語札飭兼辦洋文案事務月給薪水銀五十兩凡增軍帥與洋員接見高均在座傳宣自許爲帥代理船政赴船廠查勘廠務接見杜監督及各洋員皆高爲之轉達意洋監督因造船廠所需機件採辦數十萬佛郎欸目未付總署復十分支絀因此不悅於心致與許帥相見時言詞不遜高以其語關緊要因不少隱諱向許帥傳述勃然大怒不顧而唾高回堂後即告病假旋稟請將教習文案兩差即日銷去

摘頂示懲 ○京師人云上月某日武衛中軍練勇在前門外毆擊洋人經總署咨會步軍統領衙門催提訊究崇受之大金吾轉飭南營金恭戎趕緊緝拿但聞事時此勇未著號衣洋人亦不識其姓名以致無從指實傳提迄今半月有餘尙無端緒乃將西珠汛王都戎東珠李守戎暫行摘頂

少見多怪 ○漢壽亭侯關雲長爲蜀漢之忠臣後人愛之重之幾於無處不祀然侯雖精忠貫乎日月浩氣滿於乾坤而終不如世之所言許多奇異者即如往歲時疫流行侯之畫像大刀之對復現小刀於是咸以爲怪不知小刀之形乃大刀中洋綠之濕痕所印秋冬氣燥則不見春夏氣潤則復見耳至有見者則其初有印有不印耳不謂世人更有因事而愈生靈惑者據三水友人來告云該縣之勒竹岡鄉有大樹一株拔地參天迎風蔽日百年前物也去月中旬另發新枝下直上灣與侯所持之關刀無異以致遐邇傳誦遠近來觀咸謂侯見此刀將以掃除疫鬼也蓋近來彼處亦有傳染疫癘者現鄉人恐人之剪伐也使其子弟守之嗚呼侯之爲靈昭昭也既受馨香之薦自普慈惠之恩又豈在見出一刀而後爲民除害哉甚矣人之好怪也

扶桑炎旭 ○日本長崎卑友人來函云西彼杵郡長與村有高田清一者年僅一十有九向在九州鐵道局當小工東歷七月一號凌晨正在路旁往來察看看不意睡魔忽至假寐片時霎時深入黑甜鄉迨火車風馳電捲而來不及趨避竟被攔腰截斷旋由是處警部派員往驗惟見鮮血淋漓肢體分而爲四蓋手足亦已截斷矣慘哉○俄國駐守西卑利亞沿岸之兵一千八百二十名將校四十餘員行將瓜代特於日前乘麻私快兵輪船赴海參威卑道出長崎時上岸購食物然後鼓浪而行○德國亨利親王抵日各情已紀前報當亨利親王行時發出金錢八百元以五百元濟東京貧民三百元濟橫濱貧民

斯文遭劫 ○常熟歸孝廉以抗欠漕糧與漕書爭毆涉訟經府親提暨畏罪脫逃各節均志本報茲悉此案有孝廉同鄉某侍御函致某當道意圖斡旋而蘇府彥詠之太守以爲統轄合屬錢漕常昭兩縣完數最短今孝廉抗庇在先逃避在後猶復恃符說情顯見刁惡當此清理漕糧若不從嚴懲辦何以儆戒將來因即詳稟欽憲求請照例斥革聞已經剛大臣電咨蘇撫會銜具摺據詳奏革矣說者謂如廖太守者真能行吾法不爲勢絀然聞某漕書亦非善類自經孝廉提訊而後橫征暴斂較之往屆得以多收錢一萬餘串未知能滴歸公否若使明查暗訪懲其中飽之罪而有以折服士林之心不更善哉○新陽某生以聚賭肇事誤傷人命因而斥革衣頂奉府親提押發長洲縣監收禁此上年事也茲悉該革生素有烟癖且以暑氣薰蒸遂於前日在監斃命經牢卒申報請得鄰縣相驗委係患病身亡當由汪瑤庭大令捐廉令買棺木盛殮寄厝大雲善堂候家屬前來照領噫十年辛苦倖得一幹乃以好賭生事竟致如此收場彼有劉盤龍之癖者應亦可以鑒矣

提人不准 ○黃陳氏住居金澄路第五十一號門牌有女名陳亞芝現年十七四月初八日往小坡新街新俊記樓上未幾護署西捕忽至將其執獲至廿二日伊護政查訊畢即將該女送交保良局中旋由女母延請尼勿力狀師函致伊護政言伊女非欲爲娼經已許字陳士恭爲妻并擇定本年七月內過門等情伊護政接函後仍不允將女釋回尼狀師乃照亞美亞高巴士之律稟呈臬堂追提此女查此律最爲嚴厲若經臬司批准即無論其人生死均須提到案中嗣此事已由臬憲准行即飭護政着於初三日將女送案迨至是早伊護政亦稟呈臬署言

此事經已詳查實屬無是儘可以提傳該女云云即經尼狀師向臬憲訴稱一千八百九十年時嶼地儿服訪案內亦曾辦過此等案件一次當時儿公經已聲明臬署實在有據可辦此事云云畢各服訪乃諭令將護署所訊供詞詳錄送交本案候至初九日再行查辦云

上控得直 ○前串二馬路源茂號菓店經暗牌總差搜獲白米四包指為收買盜匪已將店東客人陳春拘獲送案府尊判罰入獄兩個月嗣陳心有不甘請勿賜尼狀師赴案求請上控府憲准之至於初三日案經臬憲提訊畢判陳得直將案註銷

遺失首飾 ○有某西女住居小坡廣德巷第六號門牌昨赴案報稱去月廿九日下午五點半鐘由外乘坐手車回家不意下車之際遺失首飾一小皮袋值銀八百元在於車內偶忘取回歸後始憶及急出看視則該車已杳惟奈忘其車號不能指究用特赴案報聞請為查緝云

想堪糾纏 ○前報小坡梧槽路換記舊器店東閩人顏大娶同籍人葉隆之女章娘為妻嗣因葉女嫌顏之舊過高爰欲吞烟自盡之事案經府尊判罰葉女監禁十四天以爲自盡者戒迨至去月廿八日禁期已滿顏葉兩家各僱馬車一輛并率領十餘人前往獄前守候迨女從獄中出葉即與其妻曾玉營上前搶奪欲挾伊女登車經顏之友將情訴聞獄差并云前蒙府尊面諭該女監禁期滿即着隨同伊夫顏大回家等情獄差聞說乃將女交顏領回葉夫妻及諸人因不敢與顏相爭顏乃扶妻登車而返不意葉妻曾氏於初二日下午二點鐘時又到婿家將女強行搶去顏即鳴捕將女母曾玉營及女復行拘獲送交府案初三日由胡太守提訊據顏稱控稱岳母曾氏欲將余妻強奪回去等情曾氏因求展限府尊命將案展至初十日再訊頭妻葉氏著交護署查問再行區處云

府案例登 ○叻產閩婦戴陳氏控告同籍人林里一案初三日府訊氏供住居打石街第二號門牌配夫戴林客所生次子年方三歲初一日下午經役役往戲園街草埔嬉戲被林里乘隙將兒盜去至初二日查悉確情往報捕房派一百八十六號巡差往牛車水大馬路某屋將氏子起回并將林里拘獲送案云云府尊諭令此案轉交兩太守十一日會訊○前報潮人蔡寶周騙取吊橋頭信盛號白米二牛車共計二十六包值銀一百六十元私逃一案府尊訊問一過仍展初十日再鞫○第一號捕房諸巡差在大馬路賭開口馬車街衣箱街五代天宮街等處拘獲閩潮兩籍小販日以販賣生菓熟食計有四十餘名府尊判各罰鍰五角諸物自去月晦日至今已有四天之久化為無用小販之輩慘矣○第八十號巡差控告閩人卓雙供云初二日卓在小坡大馬路施放風箏有違例章云云府尊判卓罰銀五元○初一日振茂興烟公司巡丁某在打球場查獲現人劉德忠私烟六支值銀一百三十二元鳴捕將劉拘獲送案候鞫判罰銀五百元不完入獄六個月○工部局查屋諸總差請傳訊票計一百七十一起爲諸店戶居民屋內不掃灰水及屋內不潔廁池水溝不淨等情判罰銀三元至五元不等該局總差請傳訊票控告東陵路潮人陳永玉閩人蔡水云陳蔡兩家俱有人出痘匿不報案有違例禁府尊判罰陳蔡銀各二十五元又該局總差請票控告小坡不憐習街詔安人沈恩興所設黃梨廠其屋不潔淨又無給憑照云云府尊判罰沈銀五十元

驗屍四則 ○潮人陳著藝住居甘公西貢地方捕魚爲生日前往海外捕魚失足墮海一目受傷後經回坡送去西醫院調治未幾陳遂出院回家初二夜病故經同伴將情報案將屍送去剖驗○梧槽差館巡差在丹戎加東海灘查獲死屍一具狀類華人滿身肉脫料必被魚分吃糊塗一足見骨不能認何籍之人將屍送去剖驗又有言該屍乃穆拉油人名沙文之屍首事因西人沙淡見海面有小舟一艘隨流漂抵加東海面忽遇華人一隊乘舟五六艘前來攻擊一時長篙利刃抗拒不遑以致兩叔均受重傷壓水云云刻有人言該屍疑乃沙文未知確否○潮人陳大弟年方二旬以外日駛大船爲生月之初二日同伴某駛大船往北山輪船起運大鼎不意船蓋吊索中斷其蓋墜下陳避不及頭項被壓立成粉碎當即斃命經伊同伴將情到船政局報案再巡海差將陳屍昇往剖驗○穆拉油人名心蠻月之初一日在加東地方被人毆打滿身受傷頗重後已將情報案送去西醫院調治不意心蠻受傷過重初二晚在醫院斃命現屍尚未驗明至於兇手不知爲誰在逃未獲

京報選錄 ○頭品頂戴直隸總督奴才裕祿跪 奏爲審明逆倫重案照例辦理恭摺仰祈 聖鑒事竊查井陘縣民婦張樊氏聽從姦夫謀毒本夫張轉昌並誤毒夫母張杜氏先後身死一案前據該縣縣經批飭提省審辦茲據臬司覺羅廷雍督同保定府知府沈家本審明解勘前來因值駐津飭委藩司廷杰代審奴才逐加確核緣張樊氏籍隸井陘縣已死張轉昌係張樊氏之夫張杜氏係張轉昌之母在逃之張六小與張樊氏同村張樊氏習見不避光緒二十二年間張樊氏惡嫌嫁與張轉昌爲妻張轉昌生性愚魯夫婦不睦張樊氏常在母家居住二十三年五月二十三日晚張六小同張樊氏調戲成姦後非一次並無給與錢物其父樊得福先不知情嗣張六小因來往不更起意商令張樊氏將張轉昌毒死可做長久夫妻張樊氏允從約定乘便下手二十四年九月初七日夜張六小前往續姦適樊得福回家見張六小從張樊氏房內逃出當將張樊氏責罵禁止張六小往來是月十六日張樊氏在村外張六小會遇張六小遞給張樊氏信末一包囑將張轉昌毒死張樊氏藏於腰中袋內各散十七日張轉昌因頭痛無人服侍遣其分居胞姪張貴保將張樊氏接回十九日晚起更時分張轉昌欲食麵條張杜氏將麵做好令張樊氏下鍋張樊氏正思來此下毒適張杜氏走回張轉昌房內張樊氏隨信末攪胡椒面放入鍋內仍將餘信用紙包好掖在腰間將麵煮熟盛起兩碗送給張轉昌吃食張杜氏亦至廚房將麵鍋裏食移時張杜氏與張轉昌均各毒斃張杜氏延至次日先斃張轉昌

杜氏將麵做好令張樊氏下鍋張樊氏正思來此下毒適張杜氏走回張轉昌房內張樊氏隨信末攪胡椒面放入鍋內仍將餘信用紙包好掖在腰間將麵煮熟盛起兩碗送給張轉昌吃食張杜氏亦至廚房將麵鍋裏食移時張杜氏與張轉昌均各毒斃張杜氏延至次日先斃張轉昌